


Losnummer f° 0,30.

Maart 1939.

No. 54.

Taon ka 6.



Orgaan dari Batavia Buddhist Association, Sam Kauw Hwe Batavia,  
Menado dan Telukbetong.

## ISINJAINI NUMER:

KLENTENG TJOUW SOE KONG DI TANDJOENG-KAIT, MAUK.  
(DENGEN GAMBARAN).

DOEA MATJEM THEORIE.

BUDDA POENJA AMPAT KABENERAN MOELIA (LEZING XVII  
DAN XVIII) OLEH K.T.H.

APAKAH PERLOENJA MENDIRIKEN SAM KAUW HWEE? —  
OLEH SIE SING GIOK.

KHONG TJOE DALEM PEMANDANGANNJA DR. LIN YU TANG.

## Terlambatnya Penerbitan.

Berhoeboeng dengen moentjelinja beberapa sebab dan halangan jang tida terdoega, maandblad *Moestika Dharma*, *Moestika Romans* dan *Sam Kauw Gwat Po*, jang biasa terbit satiap tanggal 1, 5 dan 10 pada tiap-tiap boelan, telah dapat kelambatan kira-kira 10 hari. Tapi kita soedah atoer soepaja dalem nomor-nomor jang berikoot ini kelambatan dengen perlahan bisa disoesoe hingga mendjadi seperti biasa poela.

Ini keterangan ada sabagi djawaban pada banjak pembatijang kirint soerat-soerat tegoran dan pertanya'an.

ADMINISTRATIE MOESTIKA DHARMA,  
MOESTIKA ROMANS, dan  
SAM KAUW GWAT PO.

## KABAR DARI BATAVIA BUDDHIST ASSOCIATION DAN SAM KAUW HWE BATAVIA

Dit bawah ini ada tjatejan dari lezing-lezing bagian boelan April 1930, dalem kleneng Kwan Im Tong moelai djam 8 soer.

Tanggal 6: Oleh Kwee Tek Hoaij: Buddha poenja Delapan Djalan Oetama.

Tanggal 13 dan 27: Oleh R. Soekirlan, R. Soetardjo dan M. Kadiroen: Meabitjaraken Theosofie, Buddhismus dan laen-laen.

Tanggal 20: Oleh Han Hock Khiam: Pelajaran Khong Kauw.

## BAROE TERBIT LAOI: „Omong-omong tentang Agama Buddha”

Serie Katcedjoeh.

Mebitjaraken tiga soeal penting, jaitoe:

- I. Keterangan djeles tentang sifat, kadoedoekan dan paket-djtanja Buddha-buddha.
- II. Kaoem Buddhist poenja golongan soetji.
- III. Perhoeboengan antara Buddha dengen dewa-dewa.

Tabelnya kira 160 pagina, model zak-formaat, harga f 0,30.

Abonne ini maandblad traesah kirim oewang dimdeka.

BOEKHANDEL „MOESTIKA”,  
TJIJOEROEG.

## Klenteng Tjouw Soe Kong di Tandjoeng-kait, Mauk.

Pada tanggal 23 Januari jang laloe, boelan Tionghoa djatoh 4 Tjapdjigwee, kita soedah berziarah ka itoe klenteng Tjouw Soe Kong jang teritoeng satoe dari klenteng-klenteng paling termashoer di Djawa Koelon, di mana pada saban boelan ka-11 (Tjap-itgwee), koetika dirajaken hari shedjitnya Toapekong, biasa dikoendjoengin oleh riboean orang jang dateng sembahjang.


Boeat dateng di itoe klenteng orang boleh goenaken auto atawa autobus sampe di Mauk, dari mana, waktoe moesim kering, orang bisa teroes berkandaran sampe ka itoe klenteng jang letaknya di pinggir laoet. Tetapi kapan di moesim oedjan ada lebih baek orang berdjalanan kaki, sebab itoe djalanan jang terdiri meloeloe dari pasir ada begitoe djelek dan penoech lobang-lobang hingga orang moesti alamken bantingan heibat, sedeng segala kandaran, biarpoen deeleman atawa sado, sabentar-bentar kepater.

Doeloean, saban taon dari Pasar Ikan Batavia ada dikasih djalan satoe atawa doea stoombegas jang mengangkoet orang-orang jang hendak berziarah, ang mendarat di pasisir tida djaoe dari itoe klenteng. Ini ada lebih baek dari-pada mengambil djalan darat, dimana orang moesti laloein itoe djalanan sangat djelek jang ampir tida bisa diliwatin oleh kandaran kapan di moesim oedjan.

Maski dari Mauk menjewa deeleman, sabentar-bentar kita moesti toeroen dan berdjalan kaki, sebab ini ada lebih enak dan lebih tjebet dari-pada naek kandaran jang sabentar-bentar kepater dan terbanting-banting tida berentinja. Tetapi kapan soedah sampe di itoe klenteng, segala perasa'an tjape dan tida enak menjadi linjap, terganti oleh katentreman dan kelapangan pikiran di itoe tempat soetji, jang dikiterin oleh kampoeng-kampoeng jang pendoedoekna sa-bagian terdiri dari orang-orang tani Tionghoa jang hidoeper saderhana dan manis boedi.

Dalem laen nomor kita aken toetoerken lebih djaoe ka'ada'annja itoe klenteng.

Platnum Co. - Urum Al. Tandisnachit dilat duei sand:



# Sam Kauw Gwat Po.

三 教 月 堇

ORGAN DARI BATAVIA BUDDHIST ASSOCIATION,  
SAM KAUW HWE BATAVIA MENADO,  
DAN TELOKBETONG.

ISINJAINI MAANDBLAD ADA DIOEROES DAN DITANG-  
GOENG OLEH REDACTIE „MOESTIKA DHARMA.”

*Harga abonnement per kwartaal f 0,75. Pembajaran dimoeka.  
Kaloë berlangganan dirangkép sama Moestika Dharma atau  
Moestika Romans boeat ini maandblad tjoemah tambah per-  
kwartaal f 0,50. Hurga advertentie boleh berempoek.*

Kantoor Redactie Administratie : Tjitjoeroeg, Preanger.

## Doea matjem Theorie.

Antara orang-orang jang teritoeng giat atawa „djiat-siem” dalem pergerakan Khong Kauw, atawa Sam Kauw, ada banjak jang merasa koerang poeas atas tjaranja pamoeka-pamoeka kabatinan Tionghoa melakæken penjajaran atawa bikin propaganda, jang katanja koerang actief, organisasinja koerang beres, bekerdjanya koerang soenggoe-soenggoe, dan laen-laen lagi.

Sabagian besar dari itoe pengeloehan-pengeloehan memang ada beralesan, dan malah dalem ini orgaan poen sering diœendjoek tjatfat-tjatfat dari pergerakan kabatinan Tionghoa, tetapi dengen ini perbedaan : kita anggep pertjobaan boeat bikin gerakan besar jang menggemparkan ada koerang perloe, malah sia-sia dan bakal timboelken reactie djelek, kapan terjadi boekan dengen sawadjarnja. Orang boleh adaken pertemoean-pertemoean besar, ondag pakoempoelan-pakoempoelan boeat hadlirin satoe congres atawa conferentie, adaken berbagi-bagi pertoendjoekan jang menarik perhatian publiek, tapi djikaloe tida ada nafsoe kainginan jaing soenggoe-soenggoe boeat faham-

ken dan slarken Khong Kauw atawa Sam Kauw, nistjaja itoe gerakan besar tjoemah djadi sadja samatjem pertoendjoekan komedie jang kapan soedah boebaran tida meninggalken bekas apa-apa.

Disinilah ada terjadi pertantangan antara itoe doea matjem theorie. Fihak jang soeka sama demonstratie jang rame dan menggemparkan, biasa madjoeken alesan, kapan tida saban-saban dibikin gerakan besar boeat menarik perhatian orang banjak, nistjaja selamalamanja itoe penjiaran tida aken mendjalar loeas, ker-na publiek oemoemna tjoemah perhatiken pada apa jang kaliasannja besar dan madjoe. Pamoeka dari laen-laen agama poen selaloe bergerak tida berentinja boeat lakoeken propaganda dalem kalangan oemoem dengan adaken pertemoean pertemoean besar jang verslagnja sering disiarken dalem soerat-soerat kabar, hingga orang-orang jang tadinja tinggal adem pada itoe agama, banjak jang ketarik boeat ambil perhatian Maka soeal melakoeken propaganda satjara besar dan rame ada dipandang sabagi daja paling sampoerna boeat menjiarken agama, teritoeng djoega peladjaran Khong Kauw atawa Sam Kauw.

Sabaliknja laen theorie, tentang mana kita sering poedijken, ada lebih pentingken pada pakerdja'an diam-diam jang dilakoeken dengan sasoenggoe hati boeat fahamken sadalem-dalemna itoe peladjaran dengan kawan-kawan jang betoel-betoel soeka taro perhatian, jang komoedian lakoeken penjiaran boekan dengan adaken demonstratie atawa propaganda rame dan menggemparkan boeat samentara tempo, hanja tjoba berdaja soepaja orang orang jang soeka perhatiken itoe peladjaran betoel-betoel mengarti kafaedahan dan kasoetjannja hingga pikirannja tida gampang tergontjang lagi, hanja timboel nafsoe aken fahamken lebih djaoe atawa siarken itoe pada laen-laen orang. Toedjoeannja jang achir memang boeat bekerdja *da-*

## DOEA MATJEM THEORIE.

---

*lem kalangan loeas*, soepaja itoe peladjaran dikenal oleh *samoea orang*, tetapi dimana itoe pergerakan masih lemah dan tida poenja banjak pembantoe atawa *penoendjang*, maka terlebih doeloe orang moesti pasang fondament jang koeat dengen bekerdja soenggœ-soenggoe dalem kalangan ketjil jang bisa didjalanken oleh tenaga jang tersedia di ini masa, tenaga mana masih sanget berwates.

Pergerakan agama atawa kabatinan boekan *samatjem toaneel*; kainginan boeat bikin reclame atawa menarik poedjian haroes disingkirken *sadjaoe-djaoenja*. Itoe perasaan bangga, kapan bisa adaken pertemoean besar jang dihadlirin oleh banjak orang, poen haroes ditindes. Apa satoe chotbah atawa lezing dihadlirin oleh 1000 orang atawa poen tjoemah 10 gelintir pendenger, tida terlaloe penting aken diperhatiken, kerna jang paling perloe adalah boeat bikin orang *mengarti* Itoe peladjaran.

Bhikkhu Narada perna bilang, jang Buddhisme tida mengitoeng besarnya djoemblaah penganoet, hanja jang diperhatiken soepaja orang mengarti itoe peladjaran dan dapetken kabebasan. Krishnamurti poen perna bilang: „If there were even one man who had been set free, that were enough.” (Djikaloe kiranya tjoemah ada satoe orang sadja jang bisa diberi kabebasan, itoelah soedah tjoekoep).

Penjiaran batin moesti didasarken atas *kasoenggoean* hati, kadjoedjoeran, dengen toedjoean tetep dan tida gampang mengiser. Orang jang tjoemah maoe bergerak giat kapan pakerdjaannja *dihargain* oleh banjak orang atawa dapet *perhatian* dari publiek jang berdjoemblaah besar, kabanjakan jang lantes merasa males atawa ogah-ogahan dan ilang kagoembirahan-nja kapan moesti bekerdja diam-diam dalem kalangan ketjil dan berwates. Inslah ada sikep jang *tida djœdœjer*, kerna toedjoeannja lebih banjak boeat reclamein

diri dari pada boeat menjiarken peladjaran jang baek. Itoe matahari pantjarken teroes sinarnja di tengah padang pasir, laoetan soenji atawa oetan rimba jang tida ada pendoedoeknja, seperti djoega di kota-kota besar. Satoe penjiar kabatinan jang djoedjoer tinggal bekerdja teroes biarpoe<sup>r</sup> tida banjak orang jang taro perhatian, kerna ia pandang itoe sabagi *kawadjiban*, boekan sabagi *daja boeat reclamein diri*.

Gerakan dari pamoeka laen-laen agama jang saban-saban adaken pertemoean besar di mana mana tempat dengen dihadlirin oleh banjak orang tida oesah di-boeat heran atawa kagoem, sebab marika bergerak di antara orang-orang jang memang *soedah djadi penganoet* dari itoe agama. Djikaloe dalem krenteng-krenteng Tionghoa, waktoe Toapekong she djit atawa sembahjang reboetan, ada berkoempoel banjak orang jang dateng sembahjang atawa saksiken itoe oepatjara, ini poen ada sadjamknja sadja. Djikaloe kaoem jang *soedjoet* pada Toapekong dl boelan Tjiagwee adaken arak-arakan dimana itoe Toapekong digotong ka seleroeh kota, itoe poen boekan tanda bahoea kaoem jang perijaja pada Toapekong soedah bisa bikin demonstratie dengen „berhatsil besar” di tengah pendoedoek segala bangsa! Antara itoe poeloohan riboe orang jang saksiken arak-arakan Gotong Toapekong brangkalih belon tentoe ada 100 gelintir jang mengarti maksodnja itoe pamoedjaän pada Toapekong atawa itoe machloek soetji poenja riwajat dan atsal-oetsoel jang bisa dibikin djadi toeladan dan memberi kafedahan bagi dirinja. Dan siapa menganoet samatjem agama atawa peladjaran zonder bisa bikin diri sendiri dapet pengartian boeat terbebas dari segala „penjakit” doenia, itoelah sama djoega saorang kelaparan masoek dalem satoe restaurant tapi tida dapet itjipin makanan apa-apa!

Kagiatan besar boegat adaken propaganda loeas poen

## DOEA MATJEM THEORIE.

---

tida selamanja berhatsil boeat menjiarken satoe agama kapan djalannya zaman soedah berobah. Tindakan membasmi agama dan tida pertjaja Toehan soedah menjalar loeas di Rusland jang pendoedoeknja, pada 25 taon laloe, amat soedjoet pada agama. Di banjak negri di Europa dan Amerika orang poenja perhatian pada agama soedah djadi semingkin koerang, biarpoen di mana-mana ada berdiri banjak gredja dengan pendita-pendita jang adaken chotbah-chotbah tetep dengan organisasi jang rapih. Adanja Paus di Rome tida bisa menjegah Italie rampas Ethiopie; terlahirnya Luther di Duitsland tida poenja pengaroeh aken menjegah kaoem Nazis lakoeken kakedjeman pada bangsa Jahoedi, sedeng adanja tempat-tempat soetji di Palestina tida bisa hindarken penoempahan darah dan kakaloetan di seleroeh negri. Malah satoe negri Buddhist seperti Japan masih bisa lakoeken penoempahan darah hebat di Tiongkok !

Maka boekan dari besarna propaganda, dari sam-poernanja propaganda atawa penjiaran, jang membikin satoe agama mendapat kamadjoean dalem arti jang betoel, hanja jang paling perloe ada *kasoedjoetan beker-dja* dari pamoeka-pamoekanja boeat bikin orang-orang jang taro tjoekoep perhatian bisa petik apa-apa jang berfaedah, jang menjiptaken *prilakoe baek, katinggian boedi* dan *katentreman*.

Djadinya toedjoean dari pergerakan kabatinan boekan boeat saling bersaingan aken dapat banjak penganoet, hanja teroetama aken bikin orang jang betoel-betoel perhatiken itoe peladjaran atawa agama bisa dapat kabebasan dari segala kasoeckeran doenia jang berdasar dari koerangnya pengartian.

Sekola jang baek boekan dari banjaknja moerid jang dateng beladjar, hanja dari banjaknja jang *loeloes*.

Obat jang berfaedah boekan dari banjaknja orang jang pake, hanja dari djoemblahnja orang sakit jang

# Buddha poenja ampat Kabeneran Moelia.

TENTANG DELAPAN DJALAN OETAMA.

Bagian

MENTJARI PENGHIDOEPAÑ SATJARA BENER.

XXVII.

OLEH KWEE TEK HUAII.

(*Lezing dari Batavia Buddhist Association di Klen-teng Kwan Im Tong, Batavia, pada 1 September 1938 djam 8 sore*).

Soedara-soedara,

Dalem lezing jang laloe saja ada seboet djoega bahoea pentjarian jang bener boekan tjoemah jang tida melanggar pada wet negri hanja teroetama jang tida bertentangan dengan setaoe-hati (hangsiem) sendiri, hingga biarpoen ditetepken oleh wet aken kita orang Iakoeken, tetapi kapan sang hati tida mengasih, kita poen moesti menolok atawa madjoeken kaberatan sabisa-bisa.

Oepamanja negri adaken wet militie dimana samoea

---

disemboehken.

Kaloe itoe doea matjem theorie bisa didjalanken bersama-sama dengan berbareng — bekerdja dengan giat dalem kalangan loeas dengan tida menolak boeat djalanken kawadjiban di antara sedikit orang dengan diam-diam — soedah tentoe ada lebih baek. Tapi dalem tenaga ketjil dan sanget berwates seperti sekarang ini ada lebih baek djikaloe kaoem Khong Kauw atawa Sam Kauw koempoel perhatianya lebih doeloe di dalem kalangan ketjil dan berwates, tapi dengan kagiatan sapenoeh-penoehnya, soepaja maskipoen sedikit, bisa ada djoega hatsilnja, jaitoe orang-orang jang taro perhatian pada itoe peladjaran betoel-betoel bisa dapet pengartian jang memberi katentreman, kasedaran dan kabebasan.

---

## LEZING-LEZING DI KWAN IM TONG.

raha jat jang berbadan sehat dan oesianja tjo tjoek di-moestiken panggoel snapan aken madjoe ka medan perang boeat membela negri. Itoe orang jang hendak toeroet Buddha poenja pantangan aken *djangan memboenoeh*, bisa minta boeat dipakerdjaken dalem ambulance sabagi djoeroer awat orang sakit atawa angkoetin orang-orang jang loeka dari medan perang. Dengan begitoe ia boekan sadja *tida binasaken* djiwa sasama manoesia, hanja malah *bantoe loepoetken* itoe orang-orang jang loeka dan sakit dari kematian atawa sedikitnya poen *meringanken* kasakitan dan kasangsara-annja.

Aken tetapi Buddha boekan menjegah orang lakoe-ken pakerdja'an militair, hanja tida setoedjoe orang memandang ringan pada djiwanja sasama machloek jang dibinasain dengen tida ada perlöenja sakedar boeat toeroetken nafsoe dan kabentjian. Bertempoer sama moesoeh di medan perang ada kaharoesan dari pendoelek sasoeatoe negri kapau itoe perboeatan ada perloe oentoek membela bangsa jang hendak diperboedaki dan dirampas tanah daerahnya oleh moesoeh jang djahat dan serakah. Ini matjem sikep membela diri tida berbeda dengen perlawanan dari satoe kepala roemah tangga terhadep kawanan rampok jang dateng menjerang iapoenna roemah dan antjem kaselametan anak istrinja.

Dalem boekoe *Djalanan dari Jang Perna Toea* (*The Path of the Elders*) dari Mr. Power, jang sa-bagian saja soedah salin ka dalem bahasa Melajoe, dalem pagina 69 dari itoe boekoe salinan, ada di-oendjoeck bagimana Buddha benerken sikep aken mendjaga diri dari serangan moesoeh dengen adanja satoe dongengan Buddhist beglni:

Adalah saekor oelar jang, lantaran mendenger Buddha mengadjar aken machloek-machloek jang hidoe Djangan memboenoeh atawa menjakin satoe pada

laen, lantes ambil poetoesan aken foeroet ini adjaran. Pada soeatoe hari, salagi melintasin satoe djalan raja, itoe oeler dapat diliat oleh sarombongan anak-atik ketjil lelaki, jang lantes sadja menimpoekin padanja dengen batoe. Lantaran menginget pengadjarannja Buddha, itoe oeler tida menjerang pada itoe anak-anak, jang baroe berenti melakoeken itoe kasoeka'an jang kedjem fatkala marika tinggalin itoe oeler di tepi djalan raja dengen disangka soedah mati. Kabetoelan di itoe koetika Buddha, dengen di-ikoetin oleh sa-djoemblah pengiring jang terdiri dari Bhikkhu bhikkhu, liwat di itoe djalanan, dan koetika meliat itoe oeler toeboehinja babak-beloeer dan mandi darah, laloe mentjari taoe apa sebabnya itoe binatang jang bertjlaka telah kena alamken itoe ka'ada'an jang menjedihken.

„Akoe tjoemah menoeroetin apa jang kaoe adjar, toeankoe!“ mendjawab itoe oeler, jang laloe toe-toerken pada Buddha apa jang telah terjadi pada dirinja. Mendenger ini penoetoeran Buddha laloe mendjawab: „Memang betöel akoe siarin pelajaran aken djangan menjikitin, dan kaoe berlakoe bener dengen tida ingin meloekain pada salah satoe dari itoe anak-anak. Tetapi kaoe boleh mengantjem sedikit aken bikin marika takoet!“

Atas ini dongengan Mr. Power tambahin pikiran-nya begini:

„Begitoelah kita bisa liat bahoea kaoem Buddhist, maskipoen oetamain perdamian, tida perloe moesti pacifist (saorang jang tida soeka bekalahi) menoeroet artian dari itoe perkata'an jang berlakoe dalem pergaoelan!“

Aken tetapi Buddhism memang tida pandang bener perboeatannja orang jang pegang pakerdja'an militair *sabagi satoe pentjarian*, sebab seperti sekarang bisa diboektiken dimana-mana, kapan dalem satoe negri ada kadapetan saorombongan besar orang

## LEZING-LEZING DI KWAN IM TONG.

---

jang pentjarian hidoe[n]ja meloeloe boeat bekalahi, marika nanti goenaken pengaroh dari kakoeatannja itoe boekan sadja boeat *membéla* itoe negri koetika diserang oleh laen bangsa, hanja malah kapan soedah lama tida adoe sendjata, tangannja lantes „gatêl,” ingin bekalahi, dan laloe tjari lantaran aken terbitken onar sama salah-satoe negri tetangga, hingga segala oeroesan téktékbengék jang bisa diberesken dengen djalan dami lantes ditioep melemböeng dan dibikin pandjang, digoenaken sabagi alesan boeat serang dan rampas laen bangsa poenja tanah daerah. Djoega di beberapa negri telah berboekti bagimana kaoem militair ada begitoe berpengaroh dalem politiek hingga berani menggentjèt pada rahajat, pada *bangsanja sendiri*, dengen adaken padjek berat, soepaja bisa toe-roetin kainginannja aken besarken persendjata'an, dan sasoeatoe pendoedoek jang berani tentangin kamaoeannja, lantes ditangkep dan ditoedoeh „berchianat,” hingga antero kakoeasa'an boleh dibilang ada dalem tangannja kaoem militair. Dengan begitoe ini golongan jang hidoe[n]ja meloeloe dari pakerdja'an militair, ada djadi satoe *bahaja* boeat bangsanja, boeat negri-negri tetangganja, ja, malah boeat *kaselametan doenia*!

Brangkalih ada orang jang nanti bilang, itoe peladjaran, jang andjoerin orang aken djangan soeka la-koeken pakerdja'an djadi soldadoe, tida bisa dipake dalem ini djaman jang kaloet, sebab negri-negri jang tentaranja lemah pastilah gampang mendjadi korban penindesan dari tetangganja jang lebih tegoeh. Ini alesan memang betoel boeat di ini djaman kaloet; tetapi Buddha poenja pengadjaran poen *tida keliroe*, kerna samoea orang jang berpikiran sehat soedah akkoein kadjahatannja militarisme dan haloean membesarin persendjata'an jang kapan diantepin sadja achirnja bakal menjilakaken pada doenia dan meroe-

sak kasopanan manoesia. Dan boekan sadja Buddha, hanja Jesus Kristus poen *tida soeka sama peperangan* seperti bisa diliat dari oetjapannja: „Kapan orang tampar pipimoe jang kanan, kasihlah ia tampar lagi pipimoe jang kiri.“ Buddha malah masih mengadjar soepaja orang antjem bikin takoet pada si penjerang, dan daem pembitjara'nnja dengen Generaal Simha — seperti ada termoeat daem boekoe *Hikajat Buddha* — Buddha idzinken orang berperang oentoek membela diri kapan segala pertjobaan boeat berdamai soedah mendjadi gagal. Tetapi Jesus Kristus malah soeroe orang kasih si penjerang aken bikin apa soeka pada dirinja. Kapan ini pelajaran dari Jesus Kristus diperhatiken oleh Chiang Kai Shik — jang memielok dengen soedjoet pada agama Kristen — Tiongkok tida oesah melawan, dan sasoedahnja Japan tjaplok Manchuria, moesti serahin djoega Tiongkok Oetara, dan kapan ini bagian soedah beres didoedoekin oleh tentara Japan, dan kaliatan kaoem militarist Japan masih belon poeas, moesti silahken dengen manis aken marika doedoekin lagi Tiongkok Selatan, sampe antero Tiongkok mendjadi djaduhan Japan!

Buddha poenja pelajaran, jang selaloe ambil Djalan Tengah, *tida perna meliwaatin garis kapantesan*. Buddha *tida benerken* orang pegang pakerdja'an militair sabagi pentjarian hidqep, sebab kapan dipandang dari fihak perdamian dan katentreman doenia itoe matjem pentjarian selaloe djadi satoe bahaja. Satoe bangsa jang mempoenjai tentara darat, laoet dan oe-dara tjoekoep koeat, hingga tida ada jang berani serang atawa ganggoe, selaloe menimboelken rasa tjoeriga dari tetangga-tetangganja, jang koeatir satoe tempo nanti disatronin oleh itoe-tetangga jang koeat. Djoega satoe bangsa jang merasa dirinja koeat, lantes timboel tjongkak dan sombongnja, hingga kapan terbit perselisihan dengen laen bangsa jang lebih lemah,

Iantes sadja kasih liat iapoенja „kepelan besi” dengen tida perdoeli fihakna jang salah, kerna merasa koe-rang tjotjok bagi deradjatna sabagi satoe „negri jang koeat”, kapan moesti mengalah atawa terima salah pada bangsa jang lemah. Dengan begitoe itoe negri-negri jang persendjata’nnja lemah lantes bersiap aken tegoehken angkatan perangnya soepaja bisa melawan kapan ditjoerangin atawa dihina katerlaloean; komoedian dateng giliran aken itoe negri jang koeat merasa tida enak koetika meliat tetangganja poenja kakoeatan semingkin besar, maka ia jaloe tambah lagi angkatan perangnya. Kasoedahannja timboel persaingan dan perlomba’an sendjata jang tida abisna, membikin roedin pada banjak negri, menimboelken kasangsara’an pada antero rahajat jang tertindes padjek berat boeat ongkosin persendjata’an, jang toch achirnja aken menimboelken bintjana pada segala fi-hak, sebab itoe persedia’an boeat berperang jang selaloe tambah-menambah, tjoemah membikin kagentingan djadi semingkin hebat jang moesti berachir dengan perledakan jang memoesnaken!

Memang betoel persedia'an dari banjak negri jang sekarang ini sedeng asik tegoehken angkatan perangnya, boekan ditoedjoeken boeat merjerang atawa merampas, hanja oentoek membela diri, hingga orang jang toe-roet pegang sendjata goena ini maksoed tida bisa dipersalahken, hanja malah moesti dipandang sabagi pelindoeng dari kasantosa'an bangsanja, seperti djoega orang-orang politie jang menjegah kadjahatan dalam negri jang ka’amanannja sedeng terganggoe oleh perampok dan pentjoeri. Tetapi kapan sa’andenja Buddha poenja peladjaran aken „djangan memboenoeh” diperhatiken oleh pendoedoek ini doenia, hingga pada masing-masing bangsa ada terdapat sadjoem-blah besar orang jang tentangin keras pada militarisme dengan pengaroechnja tjoekoep besar boeat ken-

daliken aliran politiek dalem negrinja, pastilah itoe kakaloetan dan kagentingan jang tertampak sekarang ini bisa ditjegah. Kapan masing-masing bangsa atawa negri tida mempoenjai tjoekoep tentara aken menjerang dan menaloekin tetangganja, nafsoe kaserakahannja poen nanti mendjadi koerang, hingga segala karèwelan bisa dibèrèsin dengen djalan dami dan dalem soemanget persobatan.

Memang betoel ini matjem angen-angen dari Buddha — seperti djoega dari Jesus, Khong Tjoe dan laen-laen Boediman dan Djoeroe Selamet — boeat di ini masa ada soeker kasampean, tetapi inilah boekan salahnya itoe angen-angen, hanja dari sesat dan bodoenja manoesia sendiri, jang kamasoekan tabeat sompong, serakah dan kemaroek kabesaran. Kapan sekarang, lantaran mellat kagentingan dan kakaloetan jang mengantjem, Buddha poenja peladjaran dikesampingken, tida diperdoeliken lagi, ini doenia tida djadi *lebih baek* dan *lebih santosa*, malah *semingkin lekas mendjoeroes ka djoerang kamoesna'an!*

Djadinya Buddha poenja peladjaran haroes diperhatiken dan didjoengdjoeng tinggi. Biarlah sasoeatoe orang tinggal insjaf, bahoea pakerdja'an militair sebagai pentjarian (profession) ada *keliroe* dan *berbahaja*. Kita-orang boleh pegang sendjata oentoek membèla diri sakedar pengehken kaperloean di ini tempo jang djelek, tetapi kita selaloe moesti *insjaf* atas *tida baeknja* ini pakerdja'an, jang moesti lantes dilepaskan begitoe lekas bahaja soedah menjingkir.

Saoepama api pelita, Buddha poenja peladjaran haroes didjaga soepaja djangan sampe *terpadem*, jaitoe *terloepa*. Asep tebel bergeloeng-geloeng dari bahaja perang jang mengantjem bisa bikin sinarnja itoe pollta mendjadi goerem hingga kafaedahannja sebagai penerangan tida tertampak. Tetapi satoe wak-toe, kapan itoe asep soedah boejar, kita-orang *perloe*

sama itpe *penerangan* — kita orang *perloe sama* Buddha poenja *pengoend joekan tjara* bagimana moesti *mentjari penghidoepan satjara bener*.

Boekan sadja memboenoeh machloek berdjiwa, hanja *mengoeroeng* atawa *melinjapken kamerdika'annja poen* ada bertentangan sama Buddha poenja peladjaran, sebab itoe perboeatan ada *menjakitken*. Slapakah bisa bilang itoe boeroeng dalem koeroengan sempit, maski daptet makanan dan aer tjoekoep, ada merasa senang ? Berapa kalih siatiap hari ia kiberken sajapnja, *menerdjang* pada itoe kawat atawa djeroedji bamboe, boeat tjoba dapetken kombali kamerdika annja jang *dirampas* dengen *paksa* tjoemah sakedar aken poeasken koe-pingnja si „*cipler*” jang *kedjem* aken kadang-kadang mendenger iapoenna njanjian, jang sabenernja ada bersifat *sedih*, sebab itoe boeroeng memoenji boeat *memanggil* kawannja saking *kesel* dikoeroeng sendirian teroes-meneroes terkadang sampe berbelasan taon !

Berhoeboeng dengen ini, orang poen bisa mengarti bahoea pentjarian memikat boeroeng atawa laen-laen binatang jang ditangkep hidoep, seperti djoega menangkep ikan, boekan ada pakerdja'an jang haroes dilakoeken oleh saorang jang hendak mentjari penghidoepan satjara bener Malah pekakas boeat langkep ikan, tembak atawa pikat binatang liar, seperti djoega segala sendjata api dan alat perang, tida haroes di-djoéal, dibikin atawa didagangin boeat *mentjari penghidoepan*. Salandjoetnja orang poen haroes mengarti djoega, bahoea saorang jang hidoepnja dengen dagangin „*boenga berdjiwa*” — jang djoega ada *samatjem pemboedakan* satjara aloes — boeka roemah bor-deel atawa hotel jang beri kasemptan aken orang lakoeken perdjina'an, seperti djoega mendjadi *pachter* atawa kepala dari roemah djoedi, itoe samoea *boekan* ada pentjarian hidoep jang bener. Malah pakerdja'an anak komedie, toekang menjanjì dan toekang muziek,

jang kasih oendjoek kalakoean, oetjapken njanjian atawa kasih denger lagoe-lagoe jang membangoenin dan bikin berkobar orang poenja nafsoe birahi, seperti oepamanja itoe dansa *Hulla-hulla* jang mesoem, poen boekan ada pentjarian jang bener. Blarpoen pentjarian jang bersifat „kunst“, kapan ternjata memberi *kasoedahan djelek* dan *meroegiken* bagi laen orang dan diri sendiri, tida bisa dianggеп baek dan bener. Jang dibilang „roegi“ boekan tjoemah oeroesan *oewang*, hanja teritoeng djoega *merosotnja moraal* dan *kakaloetan batin* jang menjadi soember dari laen-laen *kat jilaka'an*.

Dalem pentjarian jang kalijatannja baek, bener, moelia dan terhormat, poen bisa djoega berobah menjadi *tida baek* dan *tida bener* kapan tida disertain kadjoedoeran. Oepamanja, ada dokter jang kapan menoeloeng orang sakit, maski bisa lantes kasih obat jang menjemboehken, tapi sengadja sodorin doeloe laen obat jang bekerdjanja perlahan, soepaja ia bisa dateng beberapa kalih sabelonnja itoe si sakit djadi *semboeh*, hingga bisa boeka rekening *lebih besar*. Ada advocaat jang andjoerin langganannja boeat *lawan* teroes satoe perkara jang sabenernja tida ada harepan bisa menang, tjoemah soepaja *dapat oewang*. Ada banjak soedagar obat-obatan, jang daem boengkoesan atawa etiketnja menerangken kamandjoerannja itoe obat boeat sakean banjak penjakit, tapi kapan orang tjoba pake ternjata *tida goenan ja* sama sekalih, dan kapan dipereksa dengen terliti, tjampoerannja tida berisi apa-apa jang mempoenjai chasiat boeat menjemboehin itoe roega-roepa penjakit jang diseboet daem etiketnja. Malah ada djoega eigenaar dari satoe toko obat dan djamoe, jang lemarinja *padet* sama „obat-obat mandjoer boeat segala roepa penjakit“, tapi koetika ia sendiri atawa familienja kena sakit, lantes boeroe-boeroe panggil dokter, tida maoe goenaken iapoenja

## LEZING-LEZING DI KWAN IM TONG.

---

„obat-obat mandjoer“ jang dipoedjiken dalem advertentie dan ditawarin pada orang banjak. Ada satoe eigenaar minjak ramboet jang katanja „sanget mandjoer“ boeat bikin gomplok ramboet, tapi ia sendiri *kepalanja botak!* Ia maoe soeroe publiek beli itoe obat-obat jang ia sendiri dan familienja, kapan kena sakit, tida soeka pake dan tido pertjaja kamandjoeran-nya. Apakah ini ada pentjarian jang bener?

Begitoelah, soedara-soedara, kita bisa liat, bagimana pentjarian jang sasoenggøenja moesti dipandang baek, bener dan terhormat, bisa berubah djadi *tida baek* dan *boesoek* kapan dilakoeken tida dengan kadoedjoeran.

Maka itoe di sabelahnja pentjarian jang sifat dan toedjoeannja bener, orang poen moesti mempoenjai djoega *kadroedjoeran*, tida oesah menggoenaken tipoe dan kadjoesta'an pada langgan-an langgan-an.

Sasoeatoe pedagang memang wajib mengambil kaoentoëngan jang besarnya ada bergantoeng sama sifatnya itoe barang jang didjoeal. Satoe soedagar mas inten soedah tentoe tida bisa ambil kaoentoëngan tipis seperti soedagar beras, sebab lakoenna kendor dan risiconja lebih besar. Barang jang banjak diminta soedah djamak dikasih naek harganja oleh si soedagar sebab ada barang laen jang tida bisa lakoe hingga moesti didjoeal dengen roegi. Maka boeat barang jang sasoeatoe orang merdika aken beli atawa *tida*, masing-masing soedagar ada hak boeat pasang harga dan tetepken berapa kaoentoëngan jang ia haroes tarik. Ini samoea ada teritoeng *pantes* bagi saorang dagang: Tetapi djikaloe ia djoegal barang *boesoek* sebagai barang baek, hingga bikin si pembeli djadi menjesel dan merasa tertipoe, inilah membikin *ape* jang tadinja ada *pantes* dan *bener* lantes berubah djadi *salah* dan *tida buuk*. Kapan itoe kabiasa'an mentpoe dan mendjoestain didjalanken teroes-menie-

roes, itoe pentjarian aken djadi satoe *bahaja*, boekan sadja pada laen orang tapi djoega bagi dirinja sendiri.

Maka semingkin tinggi itoe orang memandjat ka tingkatan soetji, semingkin ia ingin *djaoechin diri* dari pakerdja'an jang penoeh pergoletan dan meminta banjak akal dan katjerdikan boeat mendapet hatsil. Ia tida perdoeli moesti hidoep miskin dan kahatsilannja ketjil serta moesti bekerdja berat, tapi ia pilih apa jang *tida meroegiken* dan *menjoesahken* laen orang, dan *tida bertentangan* dengan iapoenja liangsiem sendiri. Lebih bagoes dan berfaedah lagi djikaloe ja bisa lakoeken sabagi pentjarian hidoepnja samatjem pakerdja'an jang baek dan berfaedah, jang memberi kagirangan dan penerangan bagi *laen orang*, jang *meringanken* tindesan dan kasangsara'an *badan* dan *pikiran*, sebab dengen menoeloeng dan meringanken kasoe-sahan atawa karoewetan hidoepnja laen orang, iapoen datengken itoe matjem kaberkahan bagi dirinja sendiri.

Djadinya jang dibilang Mentjari Penghidoepan Satjara Bener *teroetama* dan *paling perloe* moesti dipilih jang sifatnya *tida menjoesahken*, menjakitken dan *meroegiken* laen orang atawa laen machloek berdjiwa, sedeng *soeal* kaoentoengan atawa mendapet kakaja'an ada termasoek *nomor doe*a. Inilah ada berbeda dari toedjoeannja orang-orang biasa, tetapi kafaedahannja tida oesah disangsiken lagi, dan hatsilnya ada *lebih kekel* dari-pada kaoentoengan oewang jang sering-kalih *tjoemah saliwatan* sadja.

Selamet malem.

### XXVIII.

(*Lezing dari Batavia Buddhist Association di Klen-teng Kwan Im Tong, Batavia, pada 15 September 1938 djam 8 sore*).

Soedara-soedara,

Seperti saja soedah terangken dalem lezing jang

paling belakang, djadi militair boekan ada pentjarian satjara bener, sebab toedjoeannja ada boeat memboenoeh. Begitoe poen pentjarian dari toekang djagal, toekang tangkep ikan, memboeroe binatang, menangkep boeroeng dan laen-laen lagi jang kasoedahannja, maski tida mematiken, sedikitnya *menjakitken* pada itoe binatang jang ditangkep. Salandjoetnja, orang-orang jang pentjariannja mendjoeal atawa membikin sendjata goena berperang, pekakas memboeroe atawa menangkep ikan, pikatan, djebakan, djarong boeat tangkep boeroeng dengen hidoepr, dan laen-laen pekakas samatjem itoe, poen tida bisa dibilang mentjari penghidoepan satjara bener, sebab ia membantoe dalem itoe pemboenoehan dan penangkepan pada binatang-binatang.

Tetapi tentang ini soeal orang tida boleh lantes pake atoeran satjara koekoel dan memboeta, kerna dalem segala hal ada terdapat beberapa katjoealian jang membikin satoe perboeatan *salah* terkadang *bisa dibenerken*. Oepamanja, sedeng sekarang Tiongkok moesti membela diri dari penjerangan moesoech, jang hendak perboedakin 450,000,000 bangsa Tionghoa, sasoeatoe orang jang bekerdjya membikin sendjata, pelor, bom, golok-besar dan laen-laen lagi oentoek dipake oleh tentara Tiongkok, mendjadi lakoeken *perboeatan bener* sebab maoe tjoba *bebasken* 450,000,000 manoesia dari *perboedakan*.

Pakerdja'an menangkep boeroeng atawa laen-laen binatang djoega boekan ada pentjarian bener, dan orang jang membeli itoe boeroeng-boeroeng boeat dipiara dan ditaro dalem koeroengan, toeroet berboeat tida baek, sebab merampus itoe binatang poenja kamerdi'ka'an. Tetapi ada beberapa matjem boeroeng jang toeroen-menoeroen bertelor, nêts dan djadi besar dalem koeroengan, seperti oepamanja boeroeng canary. Ini matjem boeroeng, kapan dilepas

boeat pergi terbang ka mana soeka, ada banjak **ha-repan** aken binasa, sebab tida taoe bagimana moesti tjari makanan. Maka orang jang djoegal atawa piara dengen baek pada ini matjem boeroeng jang boekan ditangkep dalem oetan, tida bisa dibilang soedah „rampas itoe binatang poenja kamerdika'an," hingga tida boleh dianggep berdosa.

Maka itoe boeat tetepken samatjem pentjarian apa *bener* atawa *salah*, orang haroes mempoenjai *pengartian* dan *pikiran bener*, jang nanti beriken padanja pertimbangan jang adil dan pantes, dengen imbangin pada djalannja ka'ada'an dan kapentingan dari sasoeatoe tempo, dan toedjoean dari jang melakoeken. Ma-jah dalem banjak hal itoe *toedjoean* atawa *maksoed* jang dikandoeng ada paling perlöe aken diperhatiken.

Beberapa taon laloe Mahatma Gandhi ampir ilang pengaroehnya antara golongan Hindoe jang koekoeh sama atoeran koeno, jang merasa bergidik koetika koetika mendenger itoe Mahatma soedah soeroe boenoeh saekor sampi. Tetapi Gandhi telah terima orang banjak poenja tjelahan dengen tentrem, dari sebab ia lakoeken itoe perboeatan dengen maksoed *baek* dan hendak *menoeloeng*. Itoe sampi soedah lama rebah di istal dengen tida berdaja, lantaran soedah toea dan sakit serta tida maoe dahar roempoet jang *dise-diaken*. Satiap hari ada riboean laler dateng kroebotonin antero toeboehnya jang soedah lelah, tjoemah tinggal menoenggoe kamatian. Tetapi itoe sampi tida bisa mati dengen lekas, hanja moesti tinggal sangsara dalem tempo lama. Aken bikin abis itoe kasangsara-an, maka Mahatma Gandhi soeroe bikin mati pada itoe binatang. Ini ada mirip dengen kabiasa'an aken lantes tembak mati koeda jang djatoh dan patah kakinja dalem perlomba'an, dengen tida ada harepan boeat semboeh. Malah di Engeland belon lama rame dibilitjaraken soeal memberi idzin pada dokter-dokter

boeat beriken obat jang mematiken pada saorang jang dapet sakit heibat dengan tida harepan aken semboeh, kapan itoe orang sendiri, dengan moefakat familienja samoea, minta dilepaskan dari itoe leasangsara an soepaja tida tersiksa lebih lama oleh itoe penjakit.

Bagimana satoe maksoed baek boeat menoeloeng telah membawa kasoadahan djelek kapan dilakoeken dengan sembarang sadja, bisa diliat dari doe tjonto di bawah ini :

Koetika saja masih anak-anak di Bogor terkadang ada orang-orang Tionghoa jang berkaoel, dan kapan maksoednya kasampean hendak berboeat amal (*tjo-hosiem*) dengan lepaskan binatang jang berada dalem tangkepan, tjotjok dengan peladjaran Buddhist. Satoe kalih telah kadjadian, satoe orang lepaskan di kali Tjisenedani di betoelan kampoeng Empang, beberapa pikoel ikan emas jang djoemblahnja ada riboean. Tetapi ini perboeatan jang bermaksoed baek telah dilakoeken di hadepan orang banjak jang biasa mandi di itoe kali, dan kabetoelan itoe tempo moesim kering, aernja soeroet dan tjetek. Dalem tempo belon satoe **djam** sadari itoe ikan dilepaskan, lantes dateng bilang poeloeh orang jang membawa lambit dan djala, hingga itoe kali djadi penoeh sama toekang-toekang tangkep ikan. Kasoedahannja, boekan sadja itoe ikan-ikan emas jang baroesan dilepas, hanja banjak ikan **laen** jang berätsal dari itoe kali sendiri, poen telah **toeroet** **mendjadi korban**, kena ditangkep oleh si **toekang djala** !

Laen tjonto lagi, dan ini kadjadian baroe kira ampat taon laloe.

Saja poenja sobat, saorang Europa terpeladjar tinggi jang memelok agama Buddha, koetika tinggal di Tji-tjoeroeg, pada satoe hari mendapat liat beberapa anak desa membawa daiem satoe koeroengan dari batang kiraj bikinannja sendiri, beberapa ekor boeroeng pi-it,

jang di moesim padi mateng bisa diliat dalem rombongan-rombongan jang berdjoemblah sampe ratoesan di mana-mana sawah. Itoe toean panggil itoe anak-anak, jang lantes dikasih sedikit oewang dan soeroe iaorang lepas itoe samoëa boeroeng. Tetapi pada besok paginjá dateng lagi beberapa anak jang bawa lebih banjak itoe matjem boeroeng Kombali ia kasih oewang dan lantes lepaskan. Tapi pada hari katiga dan berikoetnya, anak-anak desa jang dateng bawain itoe matjem boeroeng djoemblahnja ada bilang poeloeh, dan boeroeng jang marika tangkep ada ratoesan, hingga itoe toean bisa *bangkroet* kapan moesti teboes kamerdika'nnja itoe sakean banjak boeroeng dengan pake oewang dari iapoenna pensioen jang tida saberapa. Itoe anak-anak desa, dengan goenaken getah nangka, bisa tangkep itoe matjem boeroeng dalem djoemblah jang tida berwates. Djadinja si toean poenja pri dermawan djoestroe menjebabken *lebih banjak* boeroeng menjadi korban!

Dari ini beberapa tjonto kita bisa liat bagimana perboeatan jang kaliasannja „kedjem“ dari Mahatma Gandhi, jang soeroe boenoeh itoe sampi sakit, sabetoelnja mendatengken kabaakan pada itoe binatang, sedeng perboeatan jang dermawan boeat toeloeng lepaskan itoe ikan emas dan itoe boeroeng, kasoe-dahannja mendatengken ketjilaka'an pada itoe matjem binatang kapan orang berlakoe tida tjerdk.

Tetapi soedah tentoe itoe orang Tionghoa jang dapet pikiran aken lepas ka soengei itoe beberapa riboe ikan emas, dan itoe toean jang beli itoe bebe-pi ekor boeroeng dari anak desa, ada mengandoeng *muksoed baek*. Maski kasoedahannja djadi sabaliknja, toch itoe toedjoean jang moelia tida bisa di-ilangken.

Balik kombali dalem soeal pentjarian hidoe satjara bener, memang boeat saorang biasa, apalagi satoe pedagang, sabetoelnja tida gampang aken pilih pen-

## LEZING-LEZING DI KWAN IM TONG.

---

tjarian jang *bersih betoel*, sebab mendjoeal ikan atawa daging dalem blik poen sabenernya bantoe mengan-djoerin pemboenoehan pada binatang. Toko jang djoeal bier, anggoer, brandy dan laen-laen minoeman jang membikin mabok, seperti djoega orang-orang jang bekerdjya dalem fabriek bier (bierbrouwerij) atawa fabriek madat, poen teritoeng melakoeken pentjarian hidoeplang *tida bener*. Maka boeat saorang biasa soedah tjoekoep djikaloe ia bisa *insjaf* atas tida baek, atawa poen koerang benernja itoe pakerdja'an jang ia sedeng lakoeken, soepaja kapan ada kasemptean aken pegang laen matjem pentjarian jang lebih bener dan lebih bersih, ia bisa lantes tinggalken atawa le-pasken apa jang soedah tida tjotjok lagi dengen liangsiemnja sendiri.

Maka soeal mentjari penghidoepan satjara bener tida bisa boeat lantes ditetepkeu dengan pasti aken kita-orang moesti *djangan* pegang pakerdja'an ini dan *haroes* djalanken pakerdja'an itoe. Tida bisa boeat lantes dioendjoek matjemuñja pentjarian jang pantes dan tjotjok oentoek salah-satoe orang, sebab samoea ada bergantoeng pada masing-masing poenja kamadjoean batin, pada itoe tingkatan dari karohanian jang iaorang soedah bisa sampekan. Dari sebab itoe tingkatan tida sama rata, maka tida bisa diharep se-gala orang nanti bisa mentjari penghidoepan jang serba bener samoea.

Tetapi kapan satoe orang soedah moelai sampe di satoe tingkat kamadjoean, dalem hatinja sendiri nanti timboel satoe kainginan samiatjem *andjoeran resia*, jang mendesek boeat ia pilih pentjarian jang lebih bener dan lebih berfaedah. Boeat ini saja maoe oendjoek satoe onto jang saja bisa tetepken kabenerannja.

Satoe pedagang tjita dan mode artikelen telah bekerdjya dalem beberapa blas taon dengan berhatsil bagoes, sampe dari satoe waroeng ketjil ia bisa boeka

toko jang boleh dibilang besar. Koetika Perang Doenia baroe berenti, barang-barang naek tinggi, ia bisa tanik kaoentoengan bersih dari itoe toko satiap boelan sampe doe tiga riboe roepiah. Tetapi itoe orang poenja toedjoean dan angen-angen ada boeat djadi journalist dan pengarang. Koetika tokonja sedeng madjoe dan kaoentoengannja sanget besar, ia tida merasa senang, malah sering oering-oeringan, kerna ramenja dagangan membikin ia kakoerangan tempo aken menoelis dan membatja boekoe. Ia pikir itoe kaoentoengan dari dagang tjoemah memberi kabaekan pada iapoenja diri dan familie, jang bisa pake oe-wang dengen laloeasa, dan ini ada kalah djaoe ka-faerahannja dengen pakerdja'an menoelis boekoe atawa pimpin soerat kabar jang dibatja oleh banjak orang. Dengan kandoeng ini pikiran ia tida toem-plekin tenaga dengen sapenoeh-penoehnja ka dalem itoe pakerdja'an dagang, hingga koetika harga-harga moelai toeroen dan geloembang malaise moelai dateng, ia tida atoer pendjaga'an sabagimana moesti, dan achirnja ia goeloeng tiker dan bikin liquidatie. Sasoe-dahnja ia lepaskan berbagi bagi pakerdja'an jang berhoeboeng dengen dagang, baroelah ia bisa merasa *girang* dan *beroentoeng*, sebab bisa laloeasa mendj-lanken angen-angennja itoe, hingga maskipoen moesti hidoe satjara saderhana, ia bisa merasa *poeas*, kerna taoe pasti itoe pakerdja'an jang belakangan ada lebih berfaedah goena orang banjak dari pada berdagang, jang tjoemah memberi kaoentoengan pada dirinja sendiri dan sago'ongan ketjil dari iapoenja familie.

Perdagangan tjita dan barang mode *boekun sama-tjem* pentjarian hidoe jang *tida bener*, tapi toch dari tjonto di atas bisa diliat, masih ada djoega orang jang *tida senang* dan *koerang poeas*, lantaran merasa itoe ma-tjem pentjarian *meroegiken* iapoenja tempo, jang bisa digoenaaken centoek laen matjem pakerdja'an jang

kafaedahannja lebih besar.

Inilah sabetoelija ada berdasar pada samatjem wet natuur dan toedjoean rohani jang ada berlakoe pada berbagi-bagi tingkatan manoesia. Dalem tingkatan rendah orang poenja toedjoean ada boeat *menarik*, *mengoempoelken* dan *memegang keras* oentoek diri sendiri dan familienja, tida perdoeli dengen djalan *bener* atawa *salah*. Dalem rintakan kadoea orang moelai pilih sadja pakerdja'an jang *baek*, tida melanggar wet dan tida *meroegiken* atawa *menjoesahken* pada laen-laen orang atawa machloek. Rintakan katiga, moelai orang merasa *bosen* pada itoe pakerdja'an, biarpoen jang *kaliatannja bener*, dan ia laloe berdaja aken *menoerangin* atawa *melepaskan*, soepaja bisa mengaso atawa poen melakoeken laen apa apa jang lebih berfaedah. Kapan itoe orang, dalem itoe satoe penghidoepon djoega, bisa dan koeat memandjat ka tingkatan jang lebih tinggi lagi, ia poen moesti berdaja aken *lolosken diri* dari segala iketan, *lepasken* samoea pakerdja'an dan pentjarian hidoepon jang bersifat *mengiket*, jang mendatangkan, kapoesingan, pergoelefan, persaingan, gontjangan dan kakoeatiran, dan aken gantinja hanja pilih sadja apa jang bisa dikerdjain dengen hati *tentrem*, jang tida mengitoeng oetang atawa roegi, dan jang toedjoeannja meloeloe boeat kabaekan laen-laen orang zonder perdoeliken lagi pada kapentingan diri sendiri.

Kasoedahan dari ini toedjoean, tida bisa laen lagi, hanja orang moesti toentoet penghidoepon dari satoe Bhikkhu, jang terbebas dari segala gontjangan doenia lantaran tida poenja kamillian satoe apa, dan jang kaberoentoeng annja boekan terdapat dari barang doe-nia, hanja dari *pengartian* dan *penghidoepon satjara bener*, dan pakerdja'annja meloeloe boeat menjiarken kabaekan, memberi penerangan dan meringankan kangsara'an jang timboel dari kabodoan.

Soedara-soedara, satoe Bhikkhu poen masih moesti „mentjari penghidoepan”, tapi jang *ditjari* boekan penghidoepan doenia hanja *katentreman kekel*, itoe Nirwana jang djadi poko toedjoean paling pengabisan dari kaoem Buddhist. Dan dalem pertjobaan boeat mentjari atawa *dapet* Nirwana, ia moesti *lepas* segala kapoenja’annja jang berhoeboeng dengan kadoenia’an.

Brangkalih orang nanti bilang, maski ini matjem toedjoean ada bener, tapi tjoemah sedikit sadja orang jang sanggoep djalanken, dan tida memberi kafaedahan langsoeng pada ini doenia jang penoeh dengan segala matjem pergoeletan, kakaloetan dan kadosa’an. Tetapi ini ka’ada’an djelek boekan dari salahnja Buddhisme, hanja dari kabodoan dan kaserakahannja manoesia sendiri, boeat mana tida ada satoe peladjaran batin atawa agama sanggoep beresken. Pikirlah, berapa banjak kasangsara’an jang madat dan alkohol telah datengken pada manoesia! Berapa besarna itoe bintjana jang ini doenia telah tanggoeng dari lantaran peperangan, kakedjeman dan penindesan, jang boekan dilakoeken oleh sarombongan pendjahat dan badjingan, tapi oleh itoe bilang millioen orang-orang „gagah” jang terpeladjar dan terhormat, jang oleh bangsanja dipandang sabagi „pendekar”, dan dada-nja terhias dengen bintang-bintang kahormatan!

Pikirlah, soedara-soedara, berapa besar perobahan jang doenia aken menampak, kaberoentoengan jang manoesia bakal alamken, kapan dalem sasoeatoe bangsa, sasoeatoe negri, ada terdapat dalem djoemblah jang djaoe lebih besar orang-orang jang tida maoe bikin, djoeal, siarken atawa toeroet tjampoer, segala pakerdja’an jang berhoeboeng dengan pembikinan alkohol, penaneman poehoen madat atawa pendjoealanja. Berapa tentrem dan selamet ini doenia, kapan bangsa-bangsa merasa djidji dan bergidik pada pekakas-pekkakas pemboenoehan modern,

## LEZING-LEZING DI KWAN IM TONG.

---

pada pakerdja'an militair jang toedjoeannja boeat memboenoeh, memoesnaken dan menaloekken laen bangsa.

Itoe treakan jang mengoetoek madat, alkohol, persendjata'an, militarisme dan laen-laen alat jang menjilakaken, boekan tida ada. Sekarang poen dimana-mana ada terdapat pakoempoelan jang anti-madat, anti-alkohol, anti-perang, anti-persendjata'an, dan sabaginja lagi. Kaloe sampe sabagitoe djaoe tindakan-tindakannja tida djoega berhatsil, inilah lantaran marika beräda dalem golongan ketjil jang tida berarti; tenaganja terlaloe lemah boeat bikin seroehannja di-ens-dahken.

Kagagalannja itoe segala gerakan jang bermaksoed baek boekan lantarañ djoemblah jang lebih besar dari manoësia di doenia gemer tenggak alkohol atawa isep madat; boekan sabagian besar dari manoësia ingin peperangan jang membikin diri dan familienja ada harepan kena diantjoerken oleh bom atawa granaat, — hanja oleh kerna masih *terlaloe banjak* orang jang *males* aken toeroet tjampoer dan menoendjang itoe gerakan, atawa tida maoe beriken toendjangan sabagimana moesti. Ini ka'ada'an *passief* atawa tida soeka ambil perdoeli, tjoemah bisa berobah kapan itoe orang-orang soedah dibiasain aken *lakoeken perboetan dan mendjalanken pentjarian hidoept satjara bener*. Tjoemah kapan soedah tjoekoep banjak orang dalem masing-masing negri jang merasa *djidji* dan *harum* pada *pentjarian hidoept* jang bisa *menjilakain* dan *membinasain* sasama machloek, baroelah itoe bahaja-bahaja heibat, jang mengantjem ini doenia te-roes-meneroes, bisa disingkirken. Maka maskipoen itoe pakerdja'an boeat perkenalken pada doenia apa jang Buddha namain Pentjarian Hidoep Satjara Bener, kaliatannja ada sanget berat dan soeker, kita-orang tida haroes moendoer atawa bersangsi boeat oewarin

# Apakah perloenja mendiriken Sam Kauw Hwee?

OLEH SIE SING GIOK.—ROGODJAMPI.

*Dari pengalaman jang bertaon-taon lamanja,  
Bahoea satoe orang jang soedjoet siarin iapoenna agama,  
Pastilah aken berhatsil kaloe djoedjoer hatinja,  
Kapan satjara memboeta pertjoba'annja linjap pertjoema*

*Aer soengei tida diamken ia poenja gerakan.  
Kendatipoen satoe sa'at ia tida perna berenti.  
Djikaloe orang goenaken kagiatan dan kasoedjoetan  
Roesia jang paling besar terdapet moesti.*

---

ini peladjaran, sebab ini jang kalima dari itoe Delapan Djalan Oetama ada djalanan *paling pendek boeat* dapatken katentreman kekel oentoek doenia.

Msmang, soedara-soedara, apa jang kita orang tjoba sekarang, soedah pasti aken gagal, biarpoen dengan adaken propaganda besar di seloeroeh doenia. Tetapi toedjoean dari peladjaran Buddhist, sabagi djoega dari beberapa agama besar dalem doenia, ada menggenggem *doea maksoed*. Toedjoean pertama ada boeat datengken kaberkahan oemoem dalem kalangan loeas, kaloe bisa di sa'antero doenia; tetapi di sabelahnja itoe ada lagi laen toedjoean, jang kafaedahannja bisa lantes *diwoektiken* dan *dipetik* oleh sasoeatoe orang jang soedah merasa insjaf pada kabenerannja. Maka biarlah ini peladjaran tentang Mentjari Penghidoepan Satjara Bener kita orang goenaken dalem penghidoepan sahari-hari, boeat mendjaga soepaja kita djang sampe kena terdjeroemos atawa terlibet dalem pentjarian hidoe jang *tida bener*, jang bisa *menjakitken* atawa *menjilakaken* sasama machloek. Kapan ini *satoe* tindakan kita orang bisa djaga, baroelah kita bisa djadi orang-orang Buddhist dalem arti jang *be-toel*; baroelah kita bisa dapatken itoe kaberoentoengan kekel.

Selamet malem.

---

## APA PERLOENJA DIRIKEN SAM KAUW HWE.

Menoeroet orang Tionghoa poenja pikiran oemoem, segala hal marika tida sabar kaloe bekerdja dengan menoeroet apa jang direntjanaken, sebab marika ada anggep, bekerdjanja itoe rentjana ada terlaloe lambat aken sampeken maksoednya; djadi ampir boleh dikata, boeat bertindak di kalangan kamadjoean orang Tionghoa poenja pikiran ada serba pendek, tida mempoenjai kasabaran, dan tida soeka aken berlakoe sedikit perlahan. Ini Dr. Sun Jat Sen ada kataken: „Sembilan dari sapeloeh bagian djoemblahnja manoesia ada kira, dengan pikiran paserah marika bakal diperlakoeken dengan pantes dan satjara atoeran. Lantaran koerang loeas pemandangan marika ikoet satjara memboeta laen-laen orang jang djoega pegang pengapesan sama **sabagi marika sendiri.**”

Tetapi djoestroe itoe matjem pikiran jang menjebabken gagalnya segala gerakan Tionghoa. Satoe pribahasa ada bilang: „Kita taoe begitoe banjak tentang laen-laen orang hingga atjapkali kita tida mempoenjai tempo aken mengataoei tentang diri sendiri. Kita bersembrono dalem oeroesan sendiri dengan perhatiken oeroesannja laen orang zonder hatsil sampe kita djadi korban. Melinken satoe advocaat bisa tarik hatsil dengan tjampoer dalem laen orang poenja oeroesan.”

Kita boekan sekalih hendak bilang, itoe angen-angen pendek jang menjebabken segala gerakan Sam Kauw Hwe djadi gagal, tapi kita maoe artiken bahoea itoe perboeatan jang serba pendek, djoestroe lantaran pendeknya laloe djadi salah djalan. Oepama satoe Prämpoean bisa berhormat pada soeatoe Lelaki jang ia tida menjinta. Djoega satoe prämpoean bisa tahan iapoenja napsoe jang menjebabken ia merasa tjinta pada soeatoe lelaki. Tetapi Prämpoean tida bisa menjinta orang lelaki jang itoe prämpoean pandang rendah.

Lantaran oemoemnja orang Tionghoa poenja pikiran jang pendek itoe maoe ditambah dengen berdiriken Sam Kauw Hwe, dan maoe dapatken apa jang di'ingin dengen pendek, maka tida djarang golongan siauw-djien jang bermoraal rendah angsal sadja bisa maen komedie aken kasih liat gerakannja, laloe oleh Siahwee dipoedja-poedja sabagi satoe dewa. Tetapi hatsilnja pasti djadi berlaenan dengan apa jang bermoela ada diharepk'en!

Itoe samoea ada dari lantaran orang Tionghoa tjoemah ingin pendek-pendekan sadja dan tida taoe apa jang djadi poko jang paling teroetama dalem gerakan Siahwee. Ini sekarang Generaal Chiang Kai Shek kataken: „Satoe rajat jang tjinta negrinja tentoe merasa itoe kakelitoean tentang pelarangan aken bersendjata, jang seperti di'ingin oleh Volkenbond. Tida ada orang bisa tjemah sasoeatoe rajat hendak letakken sendijatanja, kaloe itoe rajat memang soedah bersedia aken terima segala tindesan dan karendahan. Tetapi itoe kawadjiban aken bersendjata ada seperti soeara-nja satoe perentah.

„Sadari itoe perang doenia tida ada banjak orang besar. Tida satoe rajat mempoenjai satoe orang besar jang soenggoe-soenggoe. Sampe sekarang belon ada satoe rajat berdiri di depan, sebab tida ada orang jang bener loeas pikirannja pada slapa samoea rajat, sebagai kahormatan boeat itoe orang termaksoed poenja kapandean lebih besar, bisa paserahken segala soeal.“

Kabanjakan orang Tionghoa, kaloe tida maoe dikataken saanterenja, apabila marika denger kita membitjaraken tentang kasoeftjian atawa Too Tek, ampir dirasaken seperti maoe moentah, meliat kita sebagai batang dan merasa djidji sekali. Marika tida bisa taoe, bahoea kakaja'an jang pepek mengasihken pikiran boetek.

## APA PERLOENJA DIRIKEN SAM KAUW HWE.

Kita jang sering soeka membitjaraken tentang Too Tek, sedikitnja ada dianggep sabagi saorang jang maoe halangin pada kemandjoean, dan ada djoega jang katerlaloean malah dianggep, seperti saorang jang soedah tida besar angen-angennja lagi. Ini **sa-benernja** ada seperti „satoe orang jang memake doe~~a~~ paras di bawah satoe topi jang miring.”

Tetapi kita taoe sabenernja, maski bagimana djoega, bahoea anggepan begitoe ada sanget kelirœ, kerma mana kaloe orang maoe pikir dengen sampoerna, sabagitoe lama orang Tionghoa belou mempoenjai soetjian atawa Too Tek jang tebel, djangan harel kita orang poenja gerakan melawan Japan di Tiongkok bakal memberi hatsil, oleh sebab orang Tionghoa jang tida mempoenjai kasoetjian pasti tida merasa maloe aken berboeat segala hal-hal jang tida senoenoeh bagi negrinja. Nabi Khong Tjoë ada bilang: „Seperti soedah djadi kabiasa'an oemoem, siapa jang tida bisa lakoe-ken seperti apa jang laen orang sanggoep berboeat, ia merasa iri hati dan djeloes.”

Memang begitoe, oepama satoe poehœn tida nanti bisa berboeah bagoes kaloe akarnja itoe poehœn ada koeroes. Kasoetjian atawa Too Tek ada sebagi akar dari segala perboeatan jang bisa mendatengken hatsil, sedeng sekarang itoe akar ada koeroes, tjara bagimana-tah bakal bisa berboeah baek?

Ada gampang dimengarti, bahoea aken bisa bikin sampoerna dirinja sendiri adalah kasoetjian atawa Teo Tek sadja jang djadi poko paling teroetama.

Tetapi bagimana orang bisa mempoenjai kasoetjian dan Too Tek, kaloe orang Tionghoa tida soeka aken memboeka pikirannja jang loehoer (Liang Siem), maskipoen sesoeatœ orang Tionghœa masing-masing soedah mempoenjai itœ?

Dari pada itœ, apakah kiranya Sam Kauw Hwee tida perloe aken diberdiriken sebanjak banjaknja di

sasœatœ tempat, di mana ada Siahwee Tionghoa ?

Tempo kita masih di Tempeh. toean Liem Tjong San ada bilang bahoea Sam Kauw Hwee ada ketjil sekalih lagi kabaekannja Siahwee Tionghoa tapi paling perloe adalah didiriken sekolah T. H. H. K. di banjak tempat

Kita tida sangkal, memang perloe sekali pada ini tempo, haroes Siahwee Tionghoa koedoe bisa diriken sebanjak-banjaknja sekolahahan T. H. H. K., tapi itoe toch boeat goena persedia'an bagi kita poenja anak-anak jang masih menipoenjai tempo boeat beladjar, sedeng bagi orang-orang toea, baek lelaki maoepoen prampoean jang soedah katelandjoer tida dapetken pendidikan atawa sekolahahan jang tjoekoep, apakah boleh diantepин sadja ?

Marika jang soedah lingloeng, kapan moesti beladjar dengen tempo jang pasti tentoelah soedah tida mampoe, tapi kiranya masih loemajan kaloe marika terkadang bisa denger pitoetoer jang baek, terlebih lagi tentang kasopanan, jang beroena bagi penghidoepan Tionghoa saoemoemnja.

Orang Tionghoa bisa mengarti jang pada ini waktœ Tiongkok ada perloe djoega dengen itoe gerakan Penghidoepan Baroe, boeat menambal pada moraal Tionghoa jang koerang sampoerna, kerua barang moestail kaloe bener moraal Tionghoa soedah tida perloe dengen pendidikan, moesti dari loearan (di loear sekolahahan T.H.H.K.) digerakin peladjaran Sam Kauw bagi orang jang soedah toea.

Ma'aflah, pada Sie Sing Giok; sabernja boekan sadja fihak prampoean, maski fihak lelaki sekalipoen, tentang kasopanan orang Tionghoa ada sanget koerang, djangan bilang hal-hal jang lebih penting, maski tjœmah doedoek sadja, marika kabanjakan tida bisa dan tida mengerti bagimana tjara orang sopan moesti doedoek.

## APA PERLOENJA DIRIKEN SAM KAUW HWE.

Kabanjakan orang Tionghoa tida bisa bedaken antara berkoendjoeng pada soeatoe perdjamoean kase-nangan, dengen berkoendjoeng di tempat orang kumatian ; marika ada di tempat kasenangan, kadengeran begitoe rame dan brisik ; kapan ada di tempat kumatian, djoega tida koerang gemoeroehnya.

Ini belon teritoeng tjaranja orang Tionghoa kaloe doedoek vergadering daem pakoempoelan, jang sa-bagian besar tida taos bagimana haroes berlakoe sa-tjara pantes.

Tetapi maskipoen itoe samoea soedah katelandjoer, toch ada baeknja kaloe saban-saban denger dan sa-ban-saban liat, bagimana ada dikasih toendjoek pada tjonto-tjonto jang baek. Inilah kafaedahannja soedah tida bisa disangkai poela.

Boeat di komoedian, kaloe antero orang Tionghoa samoea soedah dapatken pendidikan daem sekolahann T.H.H.K. jang baek, brangkalih tida begitoe perloe lagi dengen pendirian Sam Kauw Hwee, tetapi sabegi-toe lama, orang Tionghoa belon bisa dapatken pen-didikan jang bener, Sam Kauw Hwee tetep masih perloe di-diriken !

Methoeroet kita poenja pikiran, maski orang bilang otak kita tida beres, kaloe memang sasoeatoe orang Tionghoa ingin dapatken deradjat pri kamanoesia'an jang lebih tinggi, tida boleh tida, haroes mengarti atawa haroes tjoba fahamken peladjaran Sam Kauw, sebab disitoe ada pokok atawa soember jang paling teroetama dari kasopanan orang Tionghoa sedjati !

Dalem peladjaran Sam Kauw ada diterangkan, sa-orang jang aken bikin perdamian pada doenia, koedoe terlebih doeloe bisa bikin aman pada negrinja ; sa-orang jang aken bikin aman pada negrinja, koedoe terlebih doeloe bisa atoer beres roemah tangganja ; saorang jang hendak atoer beres roemah tangganja, koedoe terlebih doeloe bisa oeroes pada dirinja sen-

## **Khong Tjoe dalem peman-danganja Dr. Lin Yu Tang.**

Kaoem Khong Kauw di Tiongkok banjak jang goe-sär atawa djengkel terhadep Dr. Lin Yu Tang, siapa poenja krttiek dan sindiran terhadep Khong Tjoe dan moerid-moeridnya membikin banjak penganoetnja pelajaran Khong Tjoe djadi klabakan. Malah iapoena tooneelstuk *Khong Tjoe ketemoein Lam Ki* menjebabken toeroenan dari itoe Sengdjin di Shantung madjoe-ken protest pada Ministerie van Onderwijs di Nanking jang lantes lakoeken pepereksa'an, kerna dianggep menghina atawa merendahkan paka Khong Tjoe dan moeridnya, Tjoe Louw (Tze Lu)

Tetapi ada kaliroe kapán orang mengira Dr. Lin Yu Tang ada anti-Khong Kauw ; ia poenja toedjoëan teroetama boeat oendjoek jang Khong Tjoe poen ada satoe manoesia jang terkadang bisa bik in kakeliroean maski zonder sengadja. Djoega apa jang terdapat dalam kitab-kitab klassiek Khong Kauw boekan berätsal dari toelisan Khong Tjoe samoea, hanja ada banjak menjelip boeah kalam dari orang-orang sastrawan zaman belakangan jang tambahan itoe pelajaran menoeroet pikiran dan pendapetannja sendiri dan jang belon tentoe Khong Tjoe bisa setoedjoe sa' anteronja. Tetapi ada banjak kaoem Khong Kauw anggep Khong Tjoe seperti Machloek Soetji jang selama-lamanja belon perna berboeat kasalahan, dan pandang isinja

---

diri. Djadi ringkesnja, saorang jang belon bisa *oe-rœes dirinja sendiri*, atawa belon bisa *atber roemah tangganja*, moestail amat kalee bisa bekerdja goena Siahwee dengen baek dan tida berboeat jang menjasar !

Moedah-moedahan samoea orang Tionghoa lantes bisa mendoesin !

## PEMAN DANGANNJA DR. LIN YU TANG.

Itoe kitab-kitab klassiek dari Khong Kauw sabagi kitab soetji jang moesti dianoet satjara memboeta. Dr. Lin Yu Tang tida ketoelaran oleh ini matjem katjoepetan: ia kritiek — terkadang satjara loetjoe— pada Khong Tjoe poenja oedjar-oedjar jang kaliatan gandjil dan pintjang, dan memoedji pada sikep dan peladjaran dari Khong Tjoe jang berharga boeat dipoedji.

Di bawah ini kita salin Dr. Lin poenja satoe artikel jang berkalamat *Confucius Singing in the Rain* (Khong Tjoe menjanji salagi ketimpah oédjan), aken kasih oendjoek bagimana salagi hadepken kasoekeran heibat itoe Sengdjin bisa tinggal tentrem dan beroembirah.

Beginilah kira-kira boenjinja itoe toelisan :

Dengen iapoенja segala kakoerongan, tida tetep dan sering oendjoek sikep jang tida katentoean, Khong Tjoe tinggal mendjadi satoe orang jang mempoenjal sifat-sifat menarik. Itoe penarik ada terletak dari iapoенja prikamanoesiaän jang banget dan iapoенja soeka membanjol satjara loetjoe. Banjak oedjar-oedjar jang tertijatet di dalem *Loen Gie* tjoemah bisa dimengarti sabagimana moestinja kapan orang pandang itoe sabagi banjolan antara ia dengen moerid-moeridnja. Satoe tempo Tse Kung berkaتا padanja: „Disini ada satoe batoe permata: ia ditempatken dalem satoe tjepoek, menoenggoe orang jang soeka membajar mahal boeat didjoeat.” Dan Khong Tjoe menjaoet: „*Maoe didjoeal, betoel maoe didjoeal! Akoelah ada itoe batoe jang menoenggoe boeat didjoeal!*”

Terkadang Khong Tjoe bisa oetjapken perkata'an djinaka jang bersifat tjerdkik, seperti koetika ia berkata, „*Djikaloe orang tida bilang 'Apakah akoe moesti berboeat? Apakah akoe moesti berboeat?' soenggoe akoe tida taoe bagimana moesti berboeat pada itoe matjem orang!*”

Di laen tempo, Khong Tjoe dengen moerid-moerid-

nja soedah terpisah satoe sama laen di kota Cheng. Silah-satoe orang dapet liat Khong Tjoe lagi berdiri di Pintoe Timoer, dan bilang pada Tze Kung : „Disana satoe orang lagi berdiri di Pintoe Timoer, dengan kepalanja seperti dari Keizer Yao, lehernja seperti Kao Yao, poendaknja seperti Tse Ts'an, tetapi dari wates pinggang ka bawah ia ada lebih pendek tiga duim dari-pada Keizer Yu la kaliatan lagi kangoengan seperti saekor andjing gelandangan jang tida poenja tempat tinggal.”

Koetika marilka soedah bertemoe poela satoe pada laen, dan Tze Kung sampeken penoetoerannja itoe orang pada Khong Tjoe, ini goeroe berkata, „Bagian jang pertama dari itoe loekisan tida betoel sama sekalih, tetapi seperti *an tjing gelandangan jang tida poenja tempat tinggal, inilah tjotjok betoel sama ka. a ta'ankoe! akoe ini betoel begitoe!*”

Akoe pertjaja disini kita dapetken sifatnja Khong Tjoe jang sabenernja, jang bikin kakeliroean, bergoelet teroes, terkadang bergirang dan terkadang moeroeng, tetapi selainja tinggal oendjoek sifat dirinja jang sangat menarik dan perasa'an sabar jang kandoeng kadjinaka'an, dan bisa tertawa boeat satoe banjolan jang bikin djadi leloetjon pada dirinja sendiri. Inilah ada sifatnja Khong Tjoe jang sabenernja, dan boekan meroepaken saorang soetji jang tida bertjatjal sama sekalih dan tabeatenja tida bisa ditjelah maski sedikitpoen, seperti jang sastrawan-sastrawan Khong Kauw dan achli-achli Kationghoa'an dari Barat maoe bikin kita pertjaja.

Sasoenggoenja, orang tjoemah bisa menaro pengharga'an jang sabenernja pada kaindahannja Khong Tjoe poenja tabeat dengen djalan perhatiken iapoенja kasabaran jang bersifat goembirah. Ia tida mempoenjai itoe kapandeun menjindir satjara goemilang seperti Chuang Tze, tetapi Khong Tjoe bisa kasih liat kadjinaka'an jang aloes dan kasabaran koetika hadepken

## PEMANDANGANNJA DR. LIN YU TANG

nasif boeroek, hal mana ada lebih tjotjok dengen wat-tek bangsa Tionghoa. Sebab ada terdapat kaindahan dalem tabeatinja Khong Tjoe jang sering tida diketaoei oleh orang orang jang bikin kritiek padanja, dan disapoeter dirinja ada tertampak sifat-sifat sanget bagoes dan menarik jang tjoernah bisa dihargain dari deket, seperti iapoenja perhoeboengan jang rapet dengen moerid-moeridnja. Boeat akoe sendiri, itoe Khong Tjoe jang bikin akoe ketarik dan kagoem boekan sebab ia ada pemoeke dan pengandjoer dari kaberesannja pergaoe-lan hidoep, djoega boekan satoe djoeroe pengrobaan moeda dan bengis jang soedah soeroe tabas kepalanja Shao Cheng Mao, hanja itoe Khong Tjoe dari oesia satengah toea dan merasa lelah, koetika soedah ternjata ia ada saorang jang gagal dalem politiek, dan pada sedikit tempo dimoeka dari ia lepaskan samoea angen-angennja dalem oeroesan negri, dan ambil poe-toesan aken oesahain dirinja boeat jakinken peladjaran dan kasoesastran.

Ini bagian dari Khong Tjoe poenja penghidoepan ada terljatet dalem satoe roentoenan oedjar dalem kitak *Shiki*, jang boeninja begitoe sedih dan mengha-roeken hati hingga boleh dibandingken sama loekisan dari Gethsemane (koetika Jesus dihoekoem salib — K.T.H.) di dalem kitab Indjil, dengen bedanja itoe loekisan berächir dengen lagoe jang bersifat djinaka, sebab Khong Tjoe selaloe bisa tertawain dirinja sendiri. Pada ini tempo, Khong Tjoe soedah mengider ka dalem banjak negri aken mentjari toeñdjangan dari salah-satoe radja jang soeka pake padanja boeat mengatoer negri dan achirnja soedah dapet sadja perlakoean jang menghina dan mendjengkelken di segala fihak. Doea kalih ia soedah ditangkep dan satoe kalih ia dan moerid-moeridnja dibikin kelaparan sampe toedjoeh hari, sebab ia moesti menjingkir dari satoe ka laen negri seperti satoe nabi gila, dibentji, di-

tertawain dan didjaoein. Ia berlakoe dari negri Ch'i dengen kagoesaran begitoe sangat hingga ia tida maoe toenggoe matengnya barang makanaan jang bisa tersedia dalem tempo satengah djam, hanja soeroe bawa itoe beras jang masih basah kerna baroe direndem dalem koeali, boeat dimasak di tengah perdjalanen.

Di negri Wei Khong Tjoe soedah alamken kahinan' kena ditonton dalem sapandjang djalanen dengan doedoek kreta jang mengikoetin kretanja Ratoe, pada waktoe mana ia moesti akkoe bahoea „orang banjak lebih soeka pada paras tjantik dari pada marika soeka kabedijken." Koetika ia lagi roendingan soeal pri-kawelasan dan pri-kabeneran, Radja dari Wei angkat kepalanja mendongak ka atas „boeat mengawasin terbangnya gangsa oetan" di atas oedara.

Komoedian ia berangkat ka negri Chao, jang letaknya di sebrang Hwangho di Shensi, boeat pangkoe satoe djabatan penting, tapi lagi-lagi ada moentjoel halangan jang membikin gagalna itoe persedia'an, dan ia moesti berenti sadja di tepi Hwangho dan laloe berseroe: „Ah! Bagimana moelia matjemnja! Soenggoe ada maoenja takdir jang akoe tida bisa sebrangin ini soengei!" Dan begitaelah ia djalan mengider teroes-meneroes, menjingkir dari Wei, laloe balik ka Wei kombali, dan tinggalken Wei boeat kadoea kalihnya, dan teroes melintas ka negri-negri Ch'en, Ts'ai, Yeh dan P'u, di-iringin oleh sadjoem-blah ketjil moerid-moeridnya jang setia, seperti satoe rombongan pengemis jang djalan bergelandangan. Sampai ini tempo iapoenna moerid-moerid soedah oendjoek perasa'an djengkel dan sedikit tida senang, tetapi ada terijatet jang Khong Tjoe „tinggal poenaken itoe watek jang tentrem dan tinggal teroes mengadjar moerid-moeridnya dan menjanji atawa maenin ketjapinja sabagi biasa." Itoelah apa tempo jang Khong Tjoe, seperti dibilang dalem kitab *Shiki*,

## PEMANDANGANNJA DR. LIN YU TANG

„mendjadi lelah dan menerima nasif dan tida taoe apa moesti bikin.”

Di itoe koetika Khong Tjoe dan pengikoet-pengikoetnya dapetken dirinja terkandas dalem tanah daerah antara negri-negri Ch'en dan Ts'ai, dan marika poenja omong-omong salagi berada di ini tempat selaloe memblkin hatikoe djadi terharoe sanget. Inilah ada saat koetika Khong Tjoe poenja toedjoean hidoeop djadi berobah, dari djoeroesan mana Khong Tjoe la-loe poetoesken perdjalananja dan balik kombali ka negri kalahirannja di Lu dan oesahaken dirinja boeat mengarang boekoe-boekoe.

Di bawah ini ada itoe toelisan di dalem *Shiki*:

Khong Tjoe soedah taoe balioea iapoenja moerid-moerid tida merasa senang dalem hatinja, maka ia panggil pada Tse Lu ka dalem pondoknya dan tanja padanja: „Dalem sjairan koeno ada dibilang, ,Boekan matjan boekannja badak, marika bergelandangan di tengah rimba.’ Apakah kaoe kira peladjarankoe ke-liroe? Apakah sebabnya akoe sampe djadi begini?”

Pada ini pertanja'an Tze Lu mendjawab: „Brang-kalih kita poenja tabeat masih belon tjoekoep besar kawelasannya dan kita tida bisa dapet kapertjaja'an dari rahajat.”

Khong Tjoe berkata: „Apakah bisa djadi dari ini sebab, Ah Yu? Djikaloe orang-orang jang besar kawelasannya selaloe bisa dapet kapertjaja'an rahajat, mengapakah Po Yi dan Shu Chi poenja nasif berachir begitoe djelek? Dan djikaloe orang-orang jang bidjaksana selaloe bisa dapetken kapertjaja'an rahajat, mengapakah Prins Pi Kan moesti mati diboenoeh?”

Mendenger ini keterangan Tze Lu lantes berlaloe dari itoe kamar, dan Tse Kung masoek ka dalem.

Khong Tjoe berkata: „Ah Sze, dalem sjairan koe-no ada dibilang, ,Boekan matjan boekannja badak, marika bergelandangan di tengah rimba.’ Apakah

kaoe kira peladjarankoe keliroe? Apakah sebabnya akoe sampe djadi begini?"

Pada ini pertanya'an Tse Kung mendjawab: „Goeroe, kaoe poenja peladjaran ada begitoe besar hingga doenia tida sanggoep djalanken itoe. Mengapakah kaoe tida maøe tjoba toeroen sedikit dari kaoe poenja tempat jang tinggi?"

Khong Tjoe berkata: „Ah Sze, satoe paman tani jang pande tjoemah menanem itoe bibit padi tetapi tida bisa tanggoeng bagimana hatsilnja di waktoe panen; satoe toeckang jang pande bisa lakoeken iapoerja kapinteran tetapi tida bisa tanggoeng hatsil jang bagoes. Satoe koen-tjoe memelihara pengataoean, atoer itoe dengen beres dan bikin soepaja mendjadi satoe atoeran jang tentoe, dan tida perdoeli apa iapoerja tjara disenangin oleh qrang banjak atawa tida. Sekarang kaoe tida pelihara pengataoean dan tjoemah ingin soepaja disenangin oleh rahajat. Kaoe boekan saorang jang mempoenjai toedjoean besar!"

Mendenger begitoe Tse Kung lantes kaloeear dari itoe kamar dan Yen Huei masoek ka dalem. Khong Tjoe berkata: „Ah Huei, dalem sjairan koeno ada dibilang, 'Boekan matjan boekannja badaò, marika bergelandangan di tengah rimba.' Apakah kaoe kira peladjarankoe keliroe? Apakah sebabnya akoe sampe djadi begini?"

Pada ini pertanya'an Yen Huei mendjawab: „Goeroe, kaoe poenja peladjaran ada begitoe besar, maka doenia tida bisa djalanken itoe. Tetapi, goeroe, kaoe harœs tjoba berdaja sabisa-bisa aken poedjiken dan siarken itoe. Apakah ada kapentingannja djikaloë kaoe tida disenangin oleh doenia? Itoelah ada pertanda'an dari satoe koen-tjoe jang ia tida disenangin oleh orang banjak. Djikaloë pengataoean tida dipelihara, itoelah ada ketjiwa bagi kita. Tetapi djikaloë kita pelihara kita poenja pengataoean dan doenia tida maøe

denger pada kita, itoelah ada memberi ketjawaan pada marika jang memegang kakeuangan di dalam negri. Apakah ada kapentingannja djikaloe kita tida disenangin oleh doenia? Itoelah ada pertanda'an dari satoe koen-tjoe jang ia tida disenangin oleh orang banjak."

Khong Tjoe tersenjoem girang dan berkata: „Kaoe soedah bisa bilang begitoe! Kaoe poetra dari Yen! Djikaloe kaoe ada saorang harlawan, akoe soeka menjadi kaoe poenja jongos!"

Demikianlah ada itoe penoetoeran di datem Shiki. Di bawah ini ada foelisannya Dr. Lin Yu Tang lebih djaoe:

Siapakah bisa tolak Hoe pertarik dari saorang jang bisa menjanji di dalam oedjan ribot, sebab Khong Tjoe sasqenggoenja menjanji salagi ketimpah oedjan? Sebab disitoelah ia berada, bergelandangan dalam ini timba dengan moerid-moeridnya dan achirnya itang akal, tida taoe ka mana moesti bertindak lebih djaoe, sabagi satoe koempolan pengemis jang keliwat sangsara atawa orang penganggoeran jang tida taoe dimana moesti berdiam, „boekan matjan boekannja badak," dan boekannja ikan, daging, djoega boekan ikan herring merah jang diaslin. Dan toch Khong Tjoe masih bisa oetjapken satoe perkata'an djinaka. Dalem la-poenja roh tida ada perasa'an goesar atawa mendongkol. Akoe merasa heran kenapa tida ada satoe penggambar Tionghoa perna loekis ini' pemandangan di dalam rimba jang mengasih liat Khong Tjoe poenja sifat jang paling oetama.

\* \* \*

Demikianlah ada itoe foelisan dari Dr. Lin Yu Tang tentang Khong Tjoe, jang boekan meloeloe beristioempakan dan poedjian membosekken setjara kablasaan dari kabanjakan penoelis Khong Kauw, hanja kasih oendjoek itoe Seng Djin poenja sifat sabagi manoesia jang pandang ringan segala kasoesahan dan Rabina'an jang bisa bikin laen orang dijadil goess dan nekat atawa kalap.

# N.V. BATAVIA BANK

Terdiri 1918  
Asemkade 22-23,  
Batavia.

---

Memberi crediet boeat  
perdagangan  
Trima Giro dan Deposito.